

gustav / December 29, 2014 07:10PM

最勝第一義，是菩薩住地 ... 《大方廣佛華嚴經卷第三十八》

◎ 最勝第一義，是菩薩住地；何以故？善男子！最勝第一義不生、不滅、不失、不壞、不來、不去，如此語言，既非言境，言說不及，不能記別，非是戲論思度所知；本無言說，體性寂靜，唯諸聖者自內所證。

~ 《大方廣佛華嚴經卷第三十八》，罽賓國三藏般若奉 詔譯（[CBETA全文](#)）

--

T10n0293_p0837a05(10) 善財童子白文殊師利菩薩言：「聖者！云何而得成就聖者國土善巧？」
T10n0293_p0837a06(01) 文殊師利告善財言：「善男子！菩薩有十種法，具足圓滿，得我國土，善巧成就。」善財白言：
T10n0293_p0837a07(01) 「何等為十？」文殊師利菩薩言：「善男子！一者、
T10n0293_p0837a08(03) 證無生法具足圓滿，二者、無滅法，三者、不失壞法，
T10n0293_p0837a09(03) 四者、無來去法，五者、超言辭境界法，六者、
T10n0293_p0837a10(01) 無有言辭道法，七者、無戲論法，八者、不可說法，
T10n0293_p0837a11(02) 九者、寂靜法，十者、聖者法。
T10n0293_p0837a12(00) 若諸菩薩於此十法具足圓滿，得我國土善巧成就。」
T10n0293_p0837a13(07) 善財童子白言：「聖者所言國土是何義耶？」文殊師利言：
T10n0293_p0837a14(04) 「是一切菩薩住處義。」善財言：
T10n0293_p0837a15(00) 「云何是一切菩薩住處？」文殊師利言：「善男子！最勝第一義，
T10n0293_p0837a16(07) 是菩薩住處；何以故？善男子！最勝第一義不生、
T10n0293_p0837a17(01) 不滅、不失、不壞、不來、不去，如此語言，
T10n0293_p0837a18(00) 既非言境，言說不及，不能記別，
T10n0293_p0837a19(03) 非是戲論思度所知；本無言說，體性寂靜，
T10n0293_p0837a20(07) 唯諸聖者自內所證。善男子！因此最勝第一義故，
T10n0293_p0837a21(07) 諸佛如來出現世間；若佛出世及不出世，不可失壞。
T10n0293_p0837a22(05) 善男子！一切菩薩為欲證入第一義故，捨大豪富，
T10n0293_p0837a23(02) 年少王位，難行能行種種苦行，剃除鬚髮，
T10n0293_p0837a24(00) 被服法衣，正信出家，專求妙道、精勤匪懈，
T10n0293_p0837a25(00) 如救頭然。善男子！若無第一義者，所修梵行，
T10n0293_p0837a26(01) 為何所用？如來出世，為何所依？善男子！
T10n0293_p0837a27(01) 以深信有第一義故，令諸菩薩具足圓滿此十種法，
T10n0293_p0837a28(03) 是故應當如是知見、如是解說，
T10n0293_p0837a29(00) 於我國土善巧成就。」善財童子白言：「聖者！行何等法，
T10n0293_p0837b01(05) 當得聖者淨妙國土？」文殊師利言：
T10n0293_p0837b02(01) 「若諸菩薩能於一切心無憍慢，於諸眾生生平等心，
T10n0293_p0837b03(05) 於諸如來修真供養，得我國土。」
T10n0293_p0837b04(00) 善財童子白言：「聖者！云何名為無憍慢心、生平等心、
T10n0293_p0837b05(04) 修真供養？」文殊師利言：「善男子！菩薩有十種法，
T10n0293_p0837b06(01) 奮諦思惟具足圓滿，則能成就無憍慢心。
T10n0293_p0837b07(00) 何等為十？一者、一心思惟諦觀身界，作是念言：
T10n0293_p0837b08(01) 『我今出家，無殊死人；所以者何？父母、親愛、
T10n0293_p0837b09(00) 朋友、眷屬一切所有皆棄捨故。』如是思惟，
T10n0293_p0837b10(01) 得無憍慢。二者、思惟我今此身，服壞色衣，
T10n0293_p0837b11(02) 進止威儀，不同世間，如是思惟，得無憍慢。三者、
T10n0293_p0837b12(03) 思惟既毀形好，執持應器，乞[曷-曰]於他，如是思惟，
T10n0293_p0837b13(02) 得無憍慢。四者、思惟我今乞食，如旃陀羅，
T10n0293_p0837b14(01) 如是思惟，令心卑下，得無憍慢。五者、
T10n0293_p0837b15(02) 思惟為求段食，長養我身、我之壽命，宛在他手，
T10n0293_p0837b16(05) 如是思惟，得無憍慢。六者、思惟所乞之食，人畜之餘，

T10n0293_p0837b18(00) 彼若嫌棄，我方得食，如是思惟，得無憍慢。

T10n0293_p0837b19(01) 七者、思惟我今應當於師長所，恭敬供養，

T10n0293_p0837b20(02) 令生歡喜，如是思惟，得無憍慢。八者、

T10n0293_p0837b21(05) 思惟我今欲令同梵行者，生歡喜故，具足威儀，無違法式，

T10n0293_p0837b22(00) 如是思惟，得無憍慢。九者、思惟我今出家，

T10n0293_p0837b23(01) 於佛法中未得少分，如是思惟，得無憍慢。十者、

T10n0293_p0837b24(00) 思惟一切眾生於我瞋恨，我常安忍，

T10n0293_p0837b25(03) 如是思惟，得無憍慢。善男子！是為菩薩思惟十法，

T10n0293_p0837b26(01) 具足圓滿，則能成就無憍慢心。「復次，善男子！」

T10n0293_p0837b27(01) 菩薩有十種法，具足圓滿，則於眾生得平等心。

T10n0293_p0837b28(00) 何等為十？一者、於諸眾生所作平等；二者、

T10n0293_p0837b29(01) 於諸眾生心無障礙；三者、於諸眾生心無疲倦；

T10n0293_p0837c01(00) 四者、為欲利益諸眾生故，

T10n0293_p0837c02(07) 具足修行六波羅蜜；五者、為諸眾生集一切智，

T10n0293_p0837c03(06) 亦不依止無二之相；六者、普觀眾生同於如如，無所分別；

T10n0293_p0837c04(01) 七者、了達眾生體性平等，而能證入平等心性；

T10n0293_p0837c05(00) 八者、願與眾生同得出離生死大火；九者、

T10n0293_p0837c06(01) 自既出已，復能拔出一切眾生；十者、

T10n0293_p0837c07(04) 平等安置一切眾生無憂惱處。善男子！譬如世間長者、

T10n0293_p0837c08(00) 居士生育五子，平等愛念，

T10n0293_p0837c09(06) 受用資具等無有二；而彼諸子愚小無知，

T10n0293_p0837c10(06) 於一切處未能分別；時，彼長者宅舍之中，歛然火起，

T10n0293_p0837c11(03) 彼諸子等各居一處。善男子！於意云何？時，

T10n0293_p0837c12(03) 彼長者出諸子心，有先後不？」善財答言：

T10n0293_p0837c13(06) 「彼長者心等無先後，隨所親近，即先濟拔。」文殊師利言：

T10n0293_p0837c14(02) 「善男子！菩薩摩訶薩亦復如是；

T10n0293_p0837c15(06) 一切眾生在於生死舍宅之中，三毒熾火，忽然而起，

T10n0293_p0837c16(03) 其心愚闇，無所分別，各隨業力五趣受生；

T10n0293_p0837c17(03) 菩薩等心，調伏成熟，但隨親近，即先拔濟成熟，

T10n0293_p0837c18(02) 安置寂靜界中。善男子！是為菩薩有十種法，

T10n0293_p0837c19(02) 具足圓滿，於諸眾生，成就平等。

T10n0293_p0837c20(00) 「復次，善男子！菩薩有十種法，具足圓滿，

T10n0293_p0837c21(02) 則得成就修真供養一切如來。何等為十？一者、

T10n0293_p0837c22(01) 以法供養；二者、修行諸行；三者、

T10n0293_p0837c23(06) 平等利樂一切眾生；四者、以慈悲心隨順攝取；五者、

T10n0293_p0837c24(03) 以如來力隨順一切；六者、不捨勸修一切善法；

T10n0293_p0837c25(01) 七者、不捨一切菩薩事業；八者、如說能行，

T10n0293_p0837c26(02) 如行能說；九者、長時遍修心無疲厭；十者、

T10n0293_p0837c27(03) 常不捨離大菩提心。若諸菩薩具此十法，

T10n0293_p0837c28(04) 則能成就供養如來；非以財寶、飲食、衣服名真供養。

T10n0293_p0837c29(01) 何以故？如來恭敬尊重法故；猶如孝子，

T10n0293_p0838a01(03) 尊重父母，承順顏色，心無暫捨；

T10n0293_p0838a02(07) 若復有人敬其父母，其子倍復尊重是人；諸佛如來亦復如是；

T10n0293_p0838a03(00) 若諸眾生供養法者，是真成就供養如來，

T10n0293_p0838a04(01) 以諸如來尊重法故。善男子！如來從修行中來；

T10n0293_p0838a05(00) 若能修行，是則成就供養如來；諸佛出世，

T10n0293_p0838a06(01) 本為利樂諸眾生故；為以慈悲攝眾生故；

T10n0293_p0838a07(02) 隨順利樂而為力故。善男子！

T10n0293_p0838a08(07) 若不勸修一切善法，亦不利樂一切眾生；若捨菩薩所修事業，

T10n0293_p0838a09(00) 是亦不能利樂眾生；若復不能如說修行，

T10n0293_p0838a10(01) 如行能說，是亦不能利樂眾生；

T10n0293_p0838a11(06) 若心下劣而生疲厭，是亦不能利樂眾生；

T10n0293_p0838a12(07) 若暫捨離菩提心者，是亦不能利樂眾生。何以故？善男子！

T10n0293_p0838a13(02) 夫為菩薩為欲利樂諸眾生故，

T10n0293_p0838a14(07) 勤求阿耨多羅三藐三菩提，若無眾生，一切菩薩不成正覺。

T10n0293_p0838a15(01) 善男子！汝應如是解法供養，
T10n0293_p0838a16(07) 則得成就供養如來；非以世間財寶、飲食名為供養；善男子！
T10n0293_p0838a17(01) 是為菩薩具足十法，則能成就供養如來。」爾時，
T10n0293_p0838a18(00) 文殊師利顯示如是無量無邊微妙法義，
T10n0293_p0838a19(01) 勸教善財令修習已，還攝神力，忽然不現。
